

歷代職官表

冊六

欽定歷代職官表卷十六

戶工二部錢局表

三代秦

漢

後漢

三國晉

宋齊

北魏

北齊

後周隋

唐

五季

宋

遼

金

元

明

戶工二部錢理督部侍郎

蜀漢司金郎
中郎
將
魏司金
都尉

鑄錢
將

鑄錢
使
鹽鐵

鹽鐵
使

都大鑄錢
提點
公事
鑄錢
提領
司

王冶
師

鑄錢
提
監

督理
錢法
侍郎

使大	局源寶泉寶	督監局源寶泉寶
----	-------	---------

下司下泉 士市士府	士士夫下司中上泉 中上大市士士府
--------------	---------------------

丞辨丞鍾丞均 銅官輸 錢督 掾鑄	錢令辨令鍾令均 官銅官輸 錢官 魏
---------------------------	----------------------------

	謁監 者治
--	----------

	令諸 治
--	---------

丞西丞南丞東 冶冶冶	冶梅令西令南令東 令根冶冶冶
---------------	-------------------

	長鑄 史錢
--	----------

署西諸署東諸 丞道冶丞道冶	署西諸署東諸 令道冶令道冶
------------------	------------------

	中泉 士府
--	----------

	署掌 令治
--	----------

	監鑄 錢府
--	----------

	監鑄 錢
--	---------

	司鑄京提 錢畿舉
--	-------------

官勾監鑄 當丞錢	郎員郎監監寶監寶 外中鑄豐
-------------	------------------

	舉都寶監 司提泉路
--	--------------

使局官鑄 局寶	外督局寶 郎員監源
------------	--------------

局	錢	省	各
			銅丹 官陽
			掾督東南 治西北 丞縣諸令縣諸 治郡治郡
			局原局大局泉丞冶晉局白局武局溢 丞仇丞邪丞部局陽丞開丞安丞口
			監監鑄坊泉坊源監玉平監鳳陵監梅陵監丹泉監飛陽監洛 副錢諸錢翔錢銅山監丞山監宛根監廣湯監紫狐監桂陽
			監朱民監丞國監丞豐監廣泉監熙民監神安監垣州監陝軍丞陽監阜 洛陽監阜通監豐平監丞寧監寶寧監富泉監同曲監華州監興監黎財
			使鑑阜代 副通州
			副大提冶各司提寶各 使使領場銅舉泉處
			官錢司布十 局鑄政三

官

鑄

監

具陳
教旨

南東晉
北西漢

前魏今魏
前秦今秦

西魏今魏
北齊今齊

北魏今魏
北齊今齊

官鑄監惠遠監濟鎮滔鎮威南
監錢諸民監豐衆監山監遠監

升車顯
林深福

各官其同
各官其同

十亦同錢官
三亦同錢官

戶工二部錢局

國朝官制

戶工二部督理京省錢法右侍郎滿洲漢人各一人

凡

京師鼓鑄統設二局隸戶部者曰寶泉局歲鑄錢六十一卯

以萬二千四百八十緡爲卯

隸工部者曰寶源局歲鑄錢七十一卯

以六千二百四十九緡二百七十文爲卯

遇閏則皆加

鑄四卯其局之政令各以其部之右侍郎掌之初止漢人右侍郎一人康

熙十八年令滿洲右侍郎一人公同督理十九年以給事中御史稽查錢

局雍正二年停遣乾隆二十六年戶部錢法堂置掌稿司官滿洲漢人各

一人於各司屬中選委

工部未置

戶部寶泉局監督滿洲漢人各一人大使滿洲五人工部寶源局監督滿洲漢

人各一人大使滿洲二人

掌鑄造緡錢收納銅課以裕

國儲以利民用其監督俱無專員由六部滿漢司官遴選保舉引

見簡用二年而代大使由本部筆帖式選委咨吏部註冊五年而代稱職者以應升官用寶泉局監督順治元年定設滿洲漢人各一人寶源局監督初置三人康熙十七年改定二人寶泉局大使初設漢人一人雍正四年以寶泉局分設四廠增置漢人大使四人七年改漢大使俱爲滿大使寶源局初止設筆帖式一人雍正七年改置大使二人

各省錢局監鑄官十有八人

凡天下鼓鑄緡錢者十有四省新疆則開鑪伊犁如各省之制皆隨其地之宜作之泉布以交易流通前民利用以布政使等總其成而受法式於戶部各置監鑄官以判局事直隸寶直局一人以保定府同知充山西寶晉局一人陝西寶陝局一人江蘇寶蘇局二人俱以佐貳官選充浙江寶浙局二人以同知通判選充福建寶福局一人亦以佐貳官選充江西寶昌局一人以南昌府同知充湖南寶南局一人以長沙府同知充湖北寶

武局一人以武昌府同知充廣東寶廣局一人四川寶川局一人俱以同知通判選充廣西寶桂局一人布政使於所屬官內任便選充雲南寶雲局一人以雲南府知府充東川局一人以東川府知府充貴州寶黔局一人以貴陽府知府貴筑縣知縣或通判縣丞選充伊犁寶伊局一人以伊犁同知充

歷代建置

三代

〔周禮地官〕泉府

鄭司農云故書泉或作錢

上士四人中士八人下士十有六人凡國

事之財用取具焉歲終則會其出入而納其餘

〔惠士奇禮說〕太公爲周立九府圜法顏師古以太府玉府內府外府泉

府天府凡六府當之而又以職內職金職幣三官充其數焉非也爾雅以八方之八財中原之五穀魚鹽爲九府王應麟引以當九府圜法失之遠矣所謂圜法者重不廢輕小不妨天子母相權而有九品故曰九府圜法

其名見周官者夫布里布辟布紵布總布質布罰布廛布儵布是爲布貨九品其九品在國曰邦布外府掌之在市曰征布泉府掌之載師有里布閭師有夫布皆邦布也出諸民入諸國故曰邦布司市有辟布廛人有紵布總布質布罰布廛布肆長有儵布皆征布也斂諸市入諸官故曰征布謹案後世錢法之官其源出於地官之泉府而司市職有云辟布者於其地之敘惠士奇謂敘猶監也作布之敘蓋鑄錢之監是司市亦掌冶鑄也

漢

〔漢書百官公卿表〕水衡都尉屬官有上林均輸鍾官辨銅令丞

如淳曰鍾官主

鑄錢官也辨銅主分辨銅之種類也

初上林衡官及鑄錢皆屬少府

王應麟曰漢北軍有錢官

〔史記平準書〕赤側錢賤民巧法用之不便於是悉禁郡國毋鑄錢專令

上林三官鑄錢既多而令天下非三官錢不得行諸郡國所前鑄錢皆廢

銷之輸其銅三官

〔桓寬鹽鐵論〕幣數易而民益疑於是廢天下鑄錢而專命水衡三官作水衡三官者均輸鍾官辨銅三令丞也後漢書隗囂檄王莽曰民生挾銅炭沒入鍾官唐章懷太子注主鑄錢之官

〔漢書地理志〕丹陽郡有銅官〔王應麟玉海〕鐵官長丞五十有一而專其官以主丹陽之銅

〔唐六典〕錢官後漢屬司農

〔東觀漢記〕鑄錢官姦宄所集無能整齊理之者京兆尹閭與署第五倫督鑄錢掾領長安市

謹案漢代鑄錢之官初屬少府後屬水衡後漢以屬司農而第五倫爲督鑄錢掾則又屬於京兆尹蓋京兆主長安東西市故兼領錢法以平價直而除姦僞亦如周官泉府司市皆掌征布之出入也

三國

〔三國魏志〕韓暨爲監冶謁者舊時冶作馬排每一熟石用馬百匹更作人排又費工力暨乃因長流爲水排計其利益三倍於前就加司金都尉

班亞九卿

謹案唐六典稱魏晉以下錢官或屬少府或屬司農今考史志所載三國六朝少府司農官屬未見有鑄錢之職惟陳壽所載韓暨爲監冶謁者一事冊府元龜卽引之於錢幣門內則監冶亦主鑄錢可知而自晉以後諸冶署令丞掌鼓鑄金銀銅鐵之屬至北齊而冶署所屬遂有泉部局丞是南北朝鑄錢之事當爲冶令所兼司今並著之於表云

〔三國蜀志〕張裔爲司金中郎將

謹案蜀漢鑄直百錢吳赤烏中嘗鑄當千大錢並見於史而錢官職掌則史未之詳蜀之司金中郎將典作農戰諸器卽後代冶令丞之比疑鑄錢亦其所兼司也

晉

〔晉書職官志〕衛尉統諸冶等令南北東西督冶掾

宋齊梁陳

〔宋書百官志〕南冶令一人丞一人漢有鐵官晉置令掌工徒鼓鑄隸衛尉江左以來省衛尉隸少府宋世雖置衛尉冶隸少府如故江南諸郡縣有者或置冶令或置丞多是吳所置

〔南齊書百官志〕少府領東冶令一人丞一人南冶令一人丞一人

〔隋書百官志〕梁少府置東西冶署令丞又有梅根諸冶令陳循其制

〔冊府元龜〕宋文帝元嘉七年立錢署鑄四銖錢孝武建元元年更立錢署鑄錢

謹案宋齊梁陳四代鑄錢之官當亦掌之東西南諸冶令而錢署則如今之錢局也

北魏

〔魏書食貨志〕高祖始詔天下用錢十九年冶鑄粗備文曰太和五銖在所遣錢工備鑪冶民有欲鑄聽就鑄之永安二年詔更改鑄文曰永安五銖官自立鑪

〔北史列傳〕時朝議鑄錢以高謙之爲鑄錢都將長史乃上表求鑄三銖錢

謹案馬端臨錢幣考引此事作鑄錢都督而北史及魏書俱作都將疑馬氏有誤蓋都將如今之戶工二部管理錢法侍郎而長史則其屬如今之監督也魏書官氏志不載此官殊爲闕略

北齊

〔隋書百官志〕後齊太府寺統諸冶東西道署令丞諸冶東道又別領滏口武安白閒三局丞諸冶西道又別領晉陽冶泉部大邾原仇四局丞

後周

〔杜佑通典〕後周官品正二命地官泉府中士正一命地官泉府下士

隋

〔隋書百官志〕太府寺統掌冶署置令二人丞四人

唐

〔宋書百官志〕南齊令一人丞一人兼官職官晉置令掌工封鼓鑄錢

〔唐會要〕開元二十五年二月羅文信爲諸道鑄錢使天寶三年九月楊慎矜除御史中丞充鑄錢使六載楊釗上元元年五月劉晏寶應元年劉晏又充廣德二年第五琦李峴永泰元年正月十三日劉晏第五琦分領諸道大曆五年三月二十六日停

〔新唐書百官志〕諸鑄錢監監各一人以所在州府都督刺史判之副監一人上佐判之丞一人判司判之

〔新唐書地理志〕商州有洛源監錢官郴州有桂陽監錢官河東蔚州飛狐有三河銅冶有錢官河中府解縣有紫泉監乾元元年置有銅穴十二揚州有丹陽監廣陵監錢官宣州南陵有梅根宛陵二監錢官鄂州有鳳山監錢官饒州有永平監錢官有銅坑三信州有玉山監錢官有銅坑一鉛坑一絳州有銅源翔皋錢坊二梓州銅山縣貞觀二十三年置鑄錢官調露元年罷

〔新唐書食貨志〕武德四年洛并幽益桂等州皆置監開元二十六年宣

潤等州初置監天下鑪九十九絳州三十揚潤宣鄂蔚皆十益郴皆五洋

州三定州一

案諸州鑪數僅九十有四以唐六典考之尙有鄧州五鑪適足九十九之數蓋新唐書脫誤也

每鑪歲鑄錢

三千三百緡設丁匠三十費銅二萬一千二百觔蠟三千七百斤錫五百斤每千錢費七百五十天下歲鑄三十二萬七千緡

〔唐六典〕皇朝少府置十鑪諸州皆屬焉及少府罷鑄錢諸州遂別

謹案歷代錢法規制各異立鑪鼓鑄亦不一其地有但就京師而不及郡國者漢之上林三官是也有但就諸州而不及京師者唐之少府罷鑄是也故當時鑄錢一使其職專領諸道與今戶工二侍郎督理京省錢法者差別然源流有自職掌無殊今並著之於表又考唐書韓洄傳建中元年洄上言山澤之利當歸王者非諸侯方岳所宜有請以諸道錢冶總隸鹽鐵使而冊府元龜所載德宗以後鑄錢事宜多出鹽鐵使陳奏是唐時錢法又屬於鹽鐵使謹併識於此

〔冊府元龜〕晉高祖天福三年鑄錢以天福元寶爲文委鹽鐵使鑄樣頒下諸道漢隱帝乾祐初膳部郎中羅周允請在京置鑄錢監不報周世宗顯德二年九月勅國家之利泉貨爲先近朝以來久絕鑄造至於私下不禁銷鎔歲月漸深奸弊日甚今採銅興冶立監鑄錢冀便公私宜行條制謹案五季無鑄錢監至周世宗時始置而晉高祖鑄天福錢令鹽鐵頒樣則錢法亦當掌之鹽鐵矣

宋

〔玉海〕咸平三年五月馮亮以江西運副兼都大提點鑄錢景祐二年八月置提點坑冶鑄錢官寶元元年八月復置發運使提點鑄錢事元豐二年七月三省言鑄錢司舊領五監近歲江池饒增歲鑄額及興國睦衡舒蘄惠勑置六監宜增提點一員乃命錢昌武領淮浙建江東李綦領湖廣江西元祐元年二月合爲一司從李深請也崇寧五年詔蘇莊提舉九路銅事大觀四年併入鑄錢司紹興二十七年七月戶部侍郎林覺奏復饒